

Publicaziuns officialas dils 17 d'october 2025

Vischnaunca Trun

Annunzias da baghegiar

L'istanza da baghegiar ha lubiu suandontas annunzias da baghegiar sin fundament digl art. 40 dall'ordinaziun davart la planisaziun dil territori dil cantun Grischun (OPTGR) ni sin fundament digl art. 32a dall'ordinaziun federala davart la planisaziun dil territori (OPT):

Nr. 32/25, Jörimann Ulrich e Defuns Alma

Montascha d'in indrez fotovoltaic sil tetg dalla casa, parcella 2831

Nr. 33/25, Schwarz Rico e Manuela

Remplazzament dalla scala tier il clavau, parcella 1707

Nr. 34/25, Derungs Petra

Sanaziun dallas fatschadas sid ed ost, parcella 906

Administraziun communal Trun

Rimnada da pupi e cartun

Gievgia, ils 23 d'october 2025

Nus supplichein Vus da deponer il pupi ed il cartun beinveseivel sper via entochen las 7.30. Plinavon supplichein nus Vus da far pigns pacs e ligiar quels aschia ch'els dattan buca dapart. Sch'enzatgi vul menar sez siu pupi e cartun allas muldas a Pustget, saveis Vus far quei mesjamna, ils 22 d'october 2025, naven dallas 13.30 entochen las 18.00. Denter las 13.30 e las 15.30 segidan ils affons dalla 2. classa. Naven dallas 15.30 astgeis Vus deponer autonomamein il pupiecartun ellas muldas. Grond engraziament per Vies sustegn.

Consorti da scola Sumvitg-Trun

Museum Cuort Ligia Grischa

Dumengia, ils 19 d'october allas 14:15

Guida publica tras l'exposiziun d'art «Las quater ovras bibliofilas da Matias e Hendri Spescha». La guida ei cumprida el prezi d'entrada. cordialmein envida

il team dil museum

Runal Péra SA

Invit alla radunonza, venderdis, ils 31 d'october 2025, allas 19.00 el Refugi, Campliun.

Tractandas:

1. Beinvegni ed appel
2. Elecziun dils dumbravuschs
3. Protocol dalla radunonza generala dils 25-10-2024
4. Rapport da gestiun e rendaquen 2024/2025
5. Conclus davart l'applicaziun dil resultat da menaschi
6. Scarica al cussegl d'administraziun
7. Elecziuns
8. Varia

Dils differents acts sa vegnir priu investa tier la presidenta Nora Zürcher, Via Caltgadira 2, 7166 Trun. Suenten la radunonza vegn offeriu in puschegn. Per motivs organisatorics supplichein nus da s'annunziar tochen ils 30-10-2025 sin 079 585 55 30 ni info@runalpera.ch.

il cussegl d'administraziun

Uniun/Verein Trun Cultura

SPAZI d'art Matias Spescha

En connex cun 100 onns Matias Spescha ha liug la tiarza exposiziun cun Not VitaleMatias Spescha

– **Gliendisdis, 20 d'october, 14:15 - 15:15** meina Alexa Giger, intermediatura d'art, indigens e tals che han plascher dil romontsch tras l'exposiziun.

Ulterius guids:

– **Dumengia, ils 26 d'october allas 14:15 - 15:15**

– **Dumengia, ils 9 da november allas 14:15 - 15:15**

L'exposiziun cuoza tochen ils 16 da november 2025

Casa Carigiet

L'emprema exposiziun «L'entschatta – der Anfang» ella Casa Carigiet ei ida a fin. Cun satisfacziun constatein nus ch'igl interess per l'exposiziun ed il baghetg en reconstrucziun ei staus gronds.

Gest tenor pusseivladad finanziaria cuntinuescha la fasa 3 dalla reconstrucziun dil baghetg. Bien engraziament per Vies interess e Vies sustegn!